

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-17226/21
Sarajevo, 03.12.2021. godine

Na osnovu člana 64. stav (1) tačka h) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.7.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova, parkinga i mostova II dio

I

Okvirni sporazum za javnu nabavku u predmetu –Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova, parkinga i mostova II dio (broj obavještenja 422-1-3-181-3-144/21, objavljeno na Portalu javnih nabavki dana 24.9.2021. godine i Ispravka za obavještenje o nabavci broj 422-1-3-181-8-162/21 objavljeno na Portalu javnih nabavki BiH dana 15.10.2021. godine i u “Službenom glasniku BiH- Oglasnik javne nabavke”, br.61/21 od 01.10.2021. godine), dodjeljuje se ponuđaču „MGBH“ d.o.o. Sarajevo sa ponudom u iznosu od 553.666,60 KM bez PDV-a, odnosno 647.789,92 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz tačke I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-17226/21 od 21.9.2021. godine Općina Novi Grad Sarajevo pokrenula je otvoreni postupak javne nabavke - Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova, parkinga i mostova II dio, broj obavještenja 422-1-3-181-3-144/21, objavljeno na Portalu javnih nabavki dana 24.9.2021. godine i Ispravka za obavještenje o nabavci broj 422-1-3-181-8-162/21 objavljeno na Portalu javnih nabavki BiH dana 15.10.2021. godine i u “Službenom glasniku BiH- Oglasnik javne nabavke”, br.61/21 od 01.10.2021. godine.

Zapisnikom o otvaranju ponuda od 22.10.2021. godine Komisija je konstatovala da su u predviđenom roku, u propisno upakovanim kovertama, pristige četiri (4) ponude ponuđača:
1. „MGBH“ d.o.o. Sarajevo, 2. „Ame“ d.o.o. Breza, 3. „Orman“ d.o.o. Kiseljak i 4. „Grakop“ d.o.o. Kiseljak.

Nakon što je Komisija utvrdila da su pristigle četiri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Orman“ d.o.o. Kiseljak ne ispunjava kvalifikacioni uslov tražen u tenderskoj dokumentaciji iz tačke 3.4.1. (d) tehnička i profesionalna sposobnost - da je ponuđač opremljen neophodnom opremom za obavljanje predmetnih radova: kiper kamion do 10 t nosivosti - 2 kom, kiper kamion preko 10 t nosivosti - 2 kom, utovarivač -1 kom, kombinovani radni stroj (utovarivač, rovokopač)- 1kom; grejder - 1kom, bager - 1kom, valjak do 2t - 2kom, valjak 2-6t - 1kom, finišer - 1kom, freza za asfalt - 1kom, rezač za asfalt i beton- 1 kom, vibro ploča mase 150-200kg - 1kom, vibro nabijač (skakavac) - 1 kom. Tačkom 3.4.2. (e) propisano je da se navedeno dokazuje na sljedeći način: kao dokaz o obezbijeđenosti opreme dostavlja se izvod iz knjige osnovnih sredstava ili ugovor o iznajmljivanju opreme, za kamione se dostavljaju važeće saobraćajne dozvole, (original ili ovjerena kopija), a za radne mašine saobraćajnu ili upotrebnu dozvolu (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje.

Uvidom u dostavljenu dokumentaciju ponuđača „Orman“ d.o.o. Kiseljak konstatovano je da ponuđač dostavio na stranici br.224 -vibro mašina za nabijanje tla - C-37 broj upotrebne dozvole UP-36-M-32-05/21 i na stranici br.225 -vibro mašina za nabijanje tla - C-47 broj upotrebne dozvole UP-36-M-32-06/21. Komisija konstatuje na osnovu uvida u naprijed navedene upotrebne dozvole i zapisnike o upotrebnim dozvolama da se radi o vibro pločama (396 kg i 376 kg) te iste ne ispunjavaju uslov koji je definisan tenderskom dokumentacijom za posjedovanje vibro nabijača-skakavca.

Iz naprijed navedenog razloga utvrđeno je da ponuđač „Orman“ d.o.o. Kiseljak ne ispunjava uslov tražene u tenderskoj dokumentaciji iz tačke 3.4.1. (d) - tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Nadalje, Komisija je utvrdila i da ponuđač „Grakop“ d.o.o. Kiseljak ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) tehnička i profesionalna sposobnost - da ponuđač u radnom odnosu na neodređeno vrijeme ima zaposlenog jednog diplomiranog inženjera građevinske ili arhitektonske struke sa položenim stručnim ispitom i 5 godina radnog iskustva u struci. Tačkom 3.4.2. (b) propisano je da se navedeno dokazuje na sljedeći način: dokaz izdat od PIO/MIO ili Porezne uprave da ponuđač u radnom odnosu na neodređeno vrijeme ima jednog diplomiranog inženjera građevinske ili arhitektonske struke sa položenim stručnim ispitom i pet godina radnog iskustva u struci koji nije stariji od 30 dana računajući od dana utvrđenog kao krajnji rok za predaju ponuda (original ili ovjerena kopija).

Uvidom u dostavljenu dokumentaciju ponuđača „Grakop“ d.o.o. Kiseljak konstatovano je da ponuđač na stranicama 60-65 ponude dostavio Listu osiguranih lica izdatu od Porezne uprave FBiH - Porezna ispostava Kiseljak broj 13-6/9-12-42-2425-123/21 od 07.9.2021. godine. Obzirom da je kao krajnji rok za predaju ponuda određen 22.10.2021. godine, jasno je da je dokaz koji se traži tačkom 3.4.2. (b) tenderske dokumentacije stariji od 30 dana, računajući od dana utvrđenog kao krajnji rok za predaju ponuda.

Iz naprijed navedenog razloga utvrđeno je da ponuđač „Grakop“ d.o.o. Kiseljak ne ispunjava uslove tražene u tenderskoj dokumentaciji iz tačke 3.4.1. (b) - tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je izvršila uvidu u preostale dvije ponude i utvrdila da ispunjavaju formalno-pravne uslove utvrđene tenderskom dokumentacijom. Komisija je izvršila i računsku kontrolu ponuda, te uočila računsku grešku kod ponuđača „MGBH“ d.o.o. Sarajevo, te je ponuđač dostavio saglasnost o ispravci računске greške br. 304/21 od 10.11.2021. godine.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „MGBH“ d.o.o. Sarajevo sa ponuđenom cijenom za okvirni sporazum u iznosu od 618.967,64 KM bez PDV-a i 2. „Ame“ d.o.o. Breza sa ponuđenom cijenom za okvirni sporazum u iznosu od 630.813,90 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 15.11.2021. godine sa početkom

u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-181/21 od 16.11.2021. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „MGBH“ d.o.o. Sarajevo sa ponuđenom cijenom za okvirni sporazum u iznosu od 553.666,60 KM bez PDV-a;
2. „Aimé“ d.o.o. Breza sa ponuđenom cijenom za okvirni sporazum u iznosu od 555.000,00 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentulno umanjeње cijene postignute nakon e-aukcije, tako da ponuda ponuđača „MGBH“ d.o.o. Sarajevo iznosi 553.666,60 KM bez PDV-a, odnosno 647.789,92 KM sa PDV-om, a o čemu je ponuđač dostavio saglasnost broj 318/21 od 02.12.2021. godine.

Shodno navedenom Komisija ja dala preporuku za zaključenje okvirnog sporazuma sa prvorangiranim ponuđačem nakon provedene e-aukcije.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić